

續修四庫全書

《續修四庫全書》編纂委員會編

續修四庫全書

上海古籍出版社

一五八九・集部・總集類

六朝詩集五十五卷 佚 名編……………一

古詩歸十五卷 (明)鍾惺 譚元春輯……………三五

唐詩歸三十六卷 (卷一至卷十三) (明)鍾惺 譚元春輯……………五二

國語丙寅隨侍先子於華言幕中購得板本後
 訪集廿二冊以地受偏次而並今目録竟有以陳西
 坡爲自副使武進薛仲常序而亦言何人纂輯其
 以爲衆人四庫及各家藏書目錄均未見收也本使
 人多假之元原委甚善係宋武庫集一覽宋間
 文帝集二覽宋宣帝集一覽宋元帝集一覽後周
 明帝集一覽陳後主集一覽隋煬帝集一覽陳思王
 集四覽阮嗣宗集三覽嵇中散集一覽陸士衡集也
 竟陸士衡集四覽謝康樂集一覽謝惠連集一覽
 宣城集五覽江文通集四覽鮑明遠集八覽謝靈運集
 一覽謝靈運集二覽沈休文集一覽何遜集二覽
 陰常侍集一覽王子淵集一覽庾亮集二覽鮑參軍
 陳思王何遜集六覽即言六則之衆可採者尚多
 何以僅四二十四家均不可無依前說編之或係不全之
 書乃十二冊板印疑言舊藏者存之藏下半係裁取
 梁武帝集同女之半中藏下半係裁取阮嗣宗嵇中散

半藏全條素明謝康樂謝靈運謝靈運謝靈運謝靈運
 文通中藏裁取鮑明遠而藏下半係裁取謝靈運謝靈運
 沈休文成藏裁取何遜即陰常侍王子淵謝靈運謝靈運
 謝靈運與原本相符又有是即板印校之補藏實存之
 條實藏實陳思王不藏實陸士衡與原本相符全書
 遺失藏條之里已二冊可以難得今爲全書大書既
 完整條板亦多寶貴實係第貳有抄闕補破重訂
 而藏之又抄張氏多漢魏六朝百三家集亦收其以原
 宣帝後周明帝陰常侍皆家附以母之補錄書之
 不足不在作之通文即地書皆收其也互相攷訂誠
 藝林不淺之書也同罕親之年讀其珍之
 光緒辛巳年日吳江周煥文校於上海門官



六朝詩集序

今天下論詩者謂不關理論理者多病詩一及六朝不遑究觀而襲聞傳聽已槩擬其侈靡矣烏乎詩本性情袁正污隆理無不在不有獨見率同耳食未可與論詩可與論理也與哉故曰商賜始可與言詩也或謂六朝詩惡得與三百篇比不知先民所詢聖人所擇狂夫采薪咸為陳列故仲尼歸衛而正季札聘魯而觀蓋未嘗遺乎列國之風也齊梁間人士獨非閭巷歌謠棄妻思婦類耶昔王通氏聖之修者也其所續詩今不槩見然觀其稱士衡之文以及靈運之傲休文之治鮑昭江淹之急以怨吳筠

孔珪之怪以怒謝莊王融之纖碎徐陵庾信之誇誕孝綽兄弟之淫湘東諸王之繁譎眺之捷江摠之虛顏延之王儉任昉之約以則是其所謂續詩者大都皆夫人之詩爾四名五志意義所繫豈微乎哉然則斯集也其殆續詩之散逸固匪直兩漢之餘波初唐之濫觴也矧夫諸侯不貢詩行人不採風樂官不達雅國史不明變而列代之風泯焉久矣論世以徵化者於斯可以弗之觀耶方山薛應旂為之序

皇明嘉靖歲在癸卯立秋二日

梁武帝集

詩

明月照高樓

圓魄當虛闌清光流思延延思照孤影棲怨還
自憐臺鏡早生塵匣琴又無絃悲慕屢傷節離
憂亟華年君如東扶景妾似西柳煙相去既路
迴明晦亦殊懸願爲銅鐵轡以感長樂前

芳樹

綠樹始搖芳芳生非一葉一葉度春風芳芳自
相接色雜亂參差衆花紛重疊重疊不可思思

此誰能愜

河中之水歌

河中之水向東流洛陽女兒名莫愁十三能織
綺十四採桑南陌頭十五嫁爲盧郎婦十六生
兒一作字阿侯盧家蘭室桂爲梁中有鬱金蘇
合香頭上金釵十二行足下絲履五文章珊瑚
挂鏡爛生光平頭奴子擎履箱人生富貴何所
望恨不早嫁東家王

春歌

蘭葉始滿地梅花已落枝持此可憐意摘以寄

心知

夏歌

江南蓮花開紅光復碧水色同心復同藕異心
無異閨中花如繡簾上露如珠欲知有所思停
織復踟躕○含桃落花日黃鳥營飛時君住馬
已疲妾去蠶已饑

秋歌

繡帶合懽結錦衣連理文懷情入夜月含笑出
朝雲○當信抱梁期莫聽回風音鏡上兩入髻
分明無兩心

冬歌

寒閨動敝帳密筵重錦席賣眼拂長袖含笑留
上客

長安有狹斜行

洛陽有曲陌曲曲不通驛忽遇二少童扶轡問
君宅我宅邛鄆右易憶復可知大息組紉緼中
息佩陸離小息尚青綺總角遊南皮三息俱入
門家臣拜門垂三息俱升堂旨酒盈千卮三息
俱入戶戶內有光儀大婦理金翠中婦事玉觴
小婦獨閒暇調笙遊曲池丈夫少徘徊鳳吹方

參差

閨闔篇

西漢本佳妍金馬望甘泉衛尉屯兵上期門曉
漏傳猶重河東賦欲知追神仙羽騎凌雲轉閨
闔帶空懸長旗掃月窟鳳迹輾星躔但使丹砂
就能令億萬年

白苧辭

朱絲玉柱羅象筵飛瑄促節舞少年短歌流目
未肯前含笑一轉私自憐
纖腰嫋嫋不任衣嬌怨獨立特爲誰赴曲君前
未忍歸上聲急調中心飛

桐柏曲

桐柏真昇帝賓戲伊谷遊洛濱參差列鳳窠容
與起梁塵望不可至徘徊謝時人

方丈曲

方丈上峻層雲挹八玉御三雲金書發幽會碧
簡吐玄門至道虛凝冥然共所遵

方諸曲

方諸上上雲人業守仁擬金集瑤池步光禮玉
晨霞蓋容長肅清虛伍列真

王龜曲

王龜山真長仙九光耀五雲生交帶要分影太
華冠晨纓耆如玄羅出入遊太清

金丹曲

紫霜耀絳雪飛追以還轉復飛九真道方微千
年不傳一傳裔雲衣

金陵曲

勾曲仙長樂遊洞天巡會迹六門揖玉板登金
門鳳泉迴肆鷺羽降尋雲鷺羽一流芳芬鬱氛
氲

龍笛曲

美人綿眇在雲堂雕金鏤竹眠玉床婉愛寥亮
繞紅梁繞紅梁流月臺駐狂風鬱徘徊

採蓮曲

遊戲五湖採蓮歸發花田葉芳襲衣爲君儂歌
世所希世所希如有玉江南弄採蓮曲

採菱曲

江南稚女珠腕繩金翠搖首紅顏興桂棹容與
歌採菱歌採菱心未怡翳羅袖望所思

遊女曲

氛氲蘭麝體芳滑容色玉耀眉如月珠珮嫋嫋
戲金闕戲金闕遊紫廷舞飛閣歌長生

朝雲曲

張樂陽臺歌上謁如寢如興芳晻曖容光既艷
復還沒復還沒望不來巫山高心徘徊

鳳笙曲

綠耀尅碧彫琤笙朱唇玉指學鳳鳴流速參差
飛且停飛且停在鳳樓美嬌響間清謳

雍臺

日落登雍臺佳人殊未來綺窓蓮花掩網戶疏

綺開茸茸臨紫桂蔓延交青苔月沒光陰盡望
子獨悠哉

楊叛兒

堯花初發紅芳草尚抽綠南音多有會偏重叛
兒曲

青青河畔草

幕幕繡戶絲悠悠懷昔期久不歸鄉國曠
音輝音輝空結遲半寢覺如至既寤了無形與
君隔平生月以雲掩光葉以霜摧老當途競自
容莫肯爲妾道

有所思

誰言生離久遠意與君別衣上芳猶在握裏書
未滅腰中雙綺帶夢為同心結常恐所思露瑤
華未忍折

江南弄

衆花雜色滿上林舒芳耀綠垂輕陰連手蹊蹊
舞春心舞春心臨歲腴中人望獨踟蹰

襄陽蹋銅鞮

陌頭征人去閨中女下機含情不能言送別沾
羅衣草樹非一香花葉百種色寄語故情人知

我心相憶龍門紫金鞍翠牦白玉羈照耀雙闕
下知是襄陽兒

天安寺疏圃堂

乘和蕩猶豫此焉聊止息連山去無限長洲望
不極參差照光彩左右皆春色晻曖矚游絲出
沒看飛翼其樂信忘返倏然寧有飾

遊仙

水華寃靈輿陽精測神秘具聞上仙訣留丹未
肯餌潛名遊柱史隱迹居郎位委曲鳳臺日分
明栢寢事蕭史暫徘徊待我升龍轡

登北顧樓

歌駕止行警迴輿暫遊識清道巡丘壑緩步肆
登陟鴈行上毛池羊腸轉相逼歷覽窮天步矚
矚盡地域南城連池險北顧臨水側深潭下無
底高岸長不測舊嶼石若構新洲花似織

首夏泛天池

薄遊朱明節泛漾天淵池舟楫互容與蘋藻相
推移碧沚紅菡萏白沙青漣漪新波拂舊石殘
花落故枝葉軟風易出草密路難披

七夕

白露月下圓秋氣枝上鮮瑤臺含碧霧羅幙生
紫烟妙會非綺節佳期乃涼年玉壺承夜急蘭
膏依曉煎昔悲漢難越今傷河易旋怨咽雙念
斷悽草兩情懸

望織女

盈盈一水邊夜夜空自憐不辭精衛苦河流未
可填寸情百重結一心兩處懸願作雙青鳥共
舒明鏡前

籍田

寅賓始日出律中方星鳥仁化洽孩蟲德令禁

胎天耕籍乘月映遺滯指秋杪年豐庶讓多歲
薄禮節少

逸民

如壘生木木有異心如林鳴鳥鳥有殊音如江
遊魚魚有浮沉岩岩山高湛湛水深事迹易見
理和難尋

遊鍾山大愛敬寺

才性乏方便智力非善權歎逝比愆稔交臂乃
奢年從流既難及溺喪謂不然三苦恒追隨五
熱自燒然貧寢養憂畏熱惱坐焦前道心理歸
終信首故宜先駕言追善友迴輿尋勝緣面勢
周大地縈帶及長川稜層疊嶂遠迤邐磴道懸
朝日照花林光風起香山瑟居超七淨梵住喻
八禪始得展身敬方乃遠心虔菩提聖種子十
方良福田正趣果上果歸依天中天以我初覺
意貽爾後來賢

和太子懺悔

玉泉漏向盡金門光未成繚繞聞天樂周流揚
梵聲蘭湯浴身垢懺悔淨心靈蕞草獲再鮮落
花蒙重榮

十喻幻

揮霍變三有恍惚隨六塵蘭園種五果雕案出
八珍對見不可信熟視事非真空生四岳想徒
勞七識神著幻是幻者知幻非幻人

如炎

亂念瞞長原例見望遙局逶迤似江漢汎濫若
滄溟金波揚素沫銀浪翻綠萍遠思如可取近
至了無形熱緣熱惚逼渴愛渴心生

靈空

物情異所異世心同所洞狀如薪遇火亦似草
行風迷惑三界裡顛倒六趣中五愛性洞遠十
相法靈冲皆從妄所妄無非空對空

乾闥婆

靈海自己極滄流去無邊蜃蛤生異氣闥婆鬱
中天青城接丹霄金樓帶素烟皆從坐見起非
是物理爰因被凡俗喻此中玄又玄

夢

甘寢隨四坐蓋睡還五衆違從競分諍美惡相
戲弄出家爲上首入仕作梁棟色已非真實聞
見皆靈洞長眼出長夜大覺和大夢

會三教

少時學周孔弱冠窮六經中復觀道書有名與
無名妙術鏤金版真言隱上清密行貴陰德顯
證表長齡晚年開釋卷猶日映衆星苦集始覺
知因果乃方明示教惟平等至理歸無生

擣衣

駕言易水北送別河之陽沉思慘行鏤結夢在
空林既寤丹綠謬始知紉素傷中洲木葉下邊
城應早霜陰蟲日慘烈庭草復云黃金風徂清
夜明月懸洞房嫋嫋同宮女助我理衣裳參差
夕杵引哀怨秋砧揚輕羅飛玉腕弱翠低紅粧
朱顏日已興盼睇色增光擣以一匪石文成雙
鴛鴦制握斷金刀薰用如蘭芳佳期久不歸持
此寄寒鄉妾身誰與容思君苦入腸

梁武帝集終

梁簡文帝集卷上

古風

烏夜啼

綠草庭中望明月碧玉堂裏對金鋪鳴絃撥
發初異挑琴欲吹衆曲殊不疑三足朝含影直
言九子夜相呼羞言獨眠枕下流託道單棲城
上烏

行幸甘泉宮

雉歸海水寂裘來重譯通吉行五十里隨處宿
離宮鼓聲恒入地塵飛上暗空赦書隨豹尾太
史逐相風銅鳴周國旛旗曳楚雲虹倖臣射覆
罷從騎新歌終董逃拜金紫賢妻侍禁中不羨
神仙侶排煙逐駕鴻

長安有狹斜行

長安有徑塗徑徑不通輿道逢覆總州扶輪問
我居我居青門北可憶復易尋大息騫金勒中
息縮黃銀小息始得意黃頭作弄臣三息俱入
門雅志揚清塵三息俱上堂觴肴滿四陳三息
俱入戶照耀光容新大婦舒綺綰中婦拂羅巾
小婦最容冶映鏡學嬌顰丈人且安坐清謳出

絳脣

豔歌行

凌晨光景麗倡女鳳樓中前瞻削成小傍望卷
旌空分妝閒淺靨繞臉傳斜紅張琴未調軫飲
吹不全終自知心所愛出入仕秦宮誰言連尹
屈更是莫敖通輕軺綴皂蓋飛轡轢雲駟金鞍
隨繁尾銜璫映纏駿戈縷荆山玉劒飾丹陽銅
左把蘇合彈傍持大屈弓控絃因鵲血挽彊用
牛螭弋獵多登隴酣歌每入豐輝輝隱落日冉
冉還房櫳燈生陽燧火塵散鯉魚風流蘇時下
帳象簾復韜筒霧暗牕前柳寒踈井上桐女蘿
託松際甘瓜蔓井東拳拳侍君寵歲暮望無窮

春江行

客行祇念路相爭度京口誰知堤上人拭淚空
搔手

苦熱行

六龍驚不息三伏啓炎陽寢興煩几案俯仰倦
幃牀滂沱汗似鑠微靡風如湯洄池愧玉浪蘭
殿非含霜細簾時半卷輕幌乍橫張雲斜花影
沒日落荷心香願見洪崖井詎憐河朔觴

權歌行

妾家住湘川菱歌本自便風生鮮刺浪水深能
捉船葉亂由牽荇絲飄為折蓮濺妝疑薄汗沾
衣似故湔浣沙流暫濁沐錦色還鮮參同趙飛
燕借問李延年從來入絃管誰在權歌前

從軍行

貳師惜善馬樓蘭貪漢財前年出石池今歲謝
輪臺魚雲望旗聚龍沙隨陣開水城朝冷鐵地
道夜銜枚將軍號令密天子璽書催何時反舊
里遙見下機來雲中亭障羽檄驚甘泉烽火通

軍本

夜明貳師將軍新築營嫖姚校尉初出征復有
西山將絕世受雄名三門應遁甲五壘學神兵
白雲隨陣色蒼山答鼓聲迤邐觀鷲翼參差觀
鴈行先平小月陣却滅大宛城善馬來長樂黃
金付水衡小婦趙人能鼓瑟侍婢初笄解鄭聲
庭前桃花飛已合必應紅妝來起迎

怨歌行

十五頗有餘日照杏梁初蛾眉本多嫉掩鼻特
成虛持此傾城貌翻為不肖軀秋風吹海水寒
霜依玉除月光臨戶駛荷花依浪舒望簷悲雙

翼窺泣泣前魚首生屢屢沒草合行人踈裂執
傷不盡歸骨恨難祛早知長信別不避後園與

隴西行

邊秋胡馬肥雪中驚寇入勇氣時無侶輕兵救
邊急沙平不見虜嶂嶮還相及出塞豈成歌經
川未遑汲烏孫塗更阻康居路猶溢月暈抱龍
城星流照馬邑長安路還書不還寧知征人獨
佇立

隴西四戰地羽檄歲時聞護羌擁漢節校尉立
光勲石門暫鑿騎賊城息夜軍洗兵逢驟雨送

軍本

陣出黃雲沙長無止消水脉屢縈分當思勒燕
騎無用想羅裙

悠悠懸旆旌知向隴西行咸竈驅前馬銜枚進
後兵沙飛朝似幕雲起夜疑城迴山時阻踳絕
水極稽程往年郵支服今歲單于平方觀凱樂
盛飛蓋滿西京

鴈門太守行

輕霜中夜下黃葉遠辭枝寒苦春難覺邊城秋
易知風急旆旗斷塗長鎧馬疲少解孫吳法家
本幽并兒非關買鴈肉徒勞皇甫規

上留田行

正月土膏初飲發天馬照耀動農祥田家斗酒
群相勞爲歌長安金鳳凰

君子行

君子懷琬琰不使涅塵淄從容于雲閣寂寞仲
舒帷多謝悠悠子管窺良可悲

淫豫歌

淫豫大如服瞿塘不可觸金沙浮轉多桂浦忌
經過

金樂歌

槐香欲覆井楊柳正藏鴉山鑪當無比玉火
聰賒床頭辟繩結鏡上領巾斜鐵鐘種梁子銅
樞生秦花開門拋水柱城暗特言家

東飛伯勞歌

翻階蛺蝶戀花情容華飛燕相逢迎誰家總角
岐路陰裁紅點翠愁人心天窓綺井暖徘徊珠
簾玉篋明鏡臺可憐年幾十三四工歌巧舞入
人意白日西落楊柳垂含情美態兩相知

西飛迷雀東羈雉倡樓秦女乍相隨誰家妖麗
隣中止輕粧薄粉光間里網戶珠綴曲璫鈎芳

裊翠被香氣流少年年幾方三六含嬌聚態傾
人目餘香落蕊坐相催可憐絕世誰爲媒

採菱曲

菱花落復含桑女罷新蠶桂棹浮星艇徘徊蓮
葉南

烏棲曲

芙蓉作船絲作紉北斗橫天月將落採蓮渡頭
碍黃河郎今欲渡畏風波
浮雲似帳月如鈎那能夜夜南陌頭宜城投泊
今行熱停鞍繫馬暫栖宿

青牛丹轂七香車可憐今夜宿倡家倡家高對
烏欲棲羅幃翠帳任君低

織成屏風金屈膝朱唇玉面燈前出相看氣息
望君憐誰能含羞不自前

夜夜曲

靄靄夜中霜河開向曉光枕啼常帶粉身眠不
著床蘭膏盡更益熏爐滅復香但問愁多少便
知夜短長

當爐曲

十五正團團流光滿上蘭當爐設夜酒宿客解

金鞍迎來挾琴易送別唱歌難欲知心恨急翻
令衣帶寬

採蓮曲

晚日照空磯採蓮承晚暉風起湖南度蓮多摘
未稀棹動芙蓉落船移白鷺飛荷絲傍繞腕菱
角遠牽衣常聞蕖可愛採擷欲爲裙葉滑不留
縊心忙無假薰千春誰與樂唯有妾隨君

雍州曲

南湖荷葉浮復有佳期遊銀綸翡翠釣玉舳芙
蓉丹荷香亂衣麝桃聲送急流

桃花曲

但使新花艷得間美人簪何須論後實怨結子
瑕心

昇仙篇

少室堪求道明光可學仙丹繒碧林宇綠玉黃
金篇雲車了無轍風馬詎須鞭靈桃恒可餌幾
迴三千年

美女篇

佳麗盡關情風流最有名約黃能効月裁金巧
作星粉光勝玉靚衫薄擬蟬輕密態隨流臉嬌

歌逐軟聲朱顏半已醉微咲隱香屏

採菊篇

月精麗草散秋株洛陽小婦絕妍姝相喚提筐
採菊珠朝起露濕霑羅襦東方千騎從驪駒更
不下山逢故夫

京洛篇

南遊偃師縣斜上霸陵東回瞻龍首堞遙望德
陽宮重門遠照耀天閣復穹窿城傍疑複道樹
裡識松風黃沙入洛水丹泉繞射熊夜輪懸素
晷朝光蕩碧空秋霜曉驅雁春雨暮成紅咸陽

造甲第高安還禁中劉蒼婦作相竇憲出臨戎
此時車馬合茲晨冠蓋通誰知兩京盛觀宴遂
無窮

霹靂引

來從東海上發自南山陽時逢連鼓響乍散投
壺光飛車走四瑞繞電發時祥令去於斯表殺
來永傳芳

貞女引

借問懷春臺百尺凌雲霧北有歲寒松南臨女
貞對庭花對帷滿隙月依枝度但使明妾心無

嗟坐遲暮

龍丘引

龍丘一回首楚路蒼無極水照弄珠影雲吐陽
臺色浦狹村煙度洲長歸鳥息遊蕩逐春心空
憐無羽翼

明君詞

玉豔光瑤質金鈿婉儻紅一去葡萄觀長別披
香宮秋簷照漢月愁帳入胡風妙工偏見詆無
由情恨通

茱萸女

茱萸生狹斜結子復銜花遇逢纖手摘溫得映
鈿華雜與鬟簪插偶逐鬢鈿斜東西爭贈玉縱
橫來問家不無夫婿馬空駐使君車

妾薄命

名都多麗質本自恃容姿蕩子行未至秋胡無
定期毛嫱歎紅臉長顰翠眉奮鏡迷朝色縫
針脆故絲本異搖舟咎何關竊席疑生離誰拊
背湔死詎來遲王嬌貌本絕跟踰入氍毹盧姬
嫁日晚非復年少時轉山猶可逐烏白望難期
妾心徒自苦傍人會見嗤

雞鳴高樹顛

碧玉好名倡夫婿得中郎桃花全覆井金門半
隱堂時欣一來下復比雙鴛鴦雞鳴天尚早東
烏定未光

當置酒

置酒宴嘉賓矚迴臨飛觀絕嶺隔天餘長嶼橫
江半日色花上綺風光水中亂三益既歲稔四
始方蕊繁

長安道

神臯開隴右陸海實西秦金埴抵長樂複道向
宜春落花依度幃垂柳拂行人金張及許史夜
夜尚留賓

江南思

桂楫晚應旋歷岸扣輕舷紫荷擎釣鯉銅筐插
短蓮人歸浦口暗那得久回船
江南有妙妓時則應璫樞月暈蘆灰缺秋還懸
炭枯含丹和九轉芳對蔭三株何辭天后誚終
是到仙都

上之回

前旆拂田中後車臨桂宮輕絲駐雲罕春色遶

川風杳林方灼灼柳路日瞳瞳笳聲駭胡騎清
磬礧山戎微臣今拜手願帝永無窮

中婦織流黃

翻花滿階砌愁人獨上機浮雲西北起孔雀東
南飛調絲時繞腕易鐻乍牽衣鳴梭逐動釧紅
妝映落暉

泛舟橫大江

滄波白日暉遊子出王畿旁望重山轉前觀遠
帆稀廣水浮雲吹江風引夜衣旅鴈同洲宿寒
鳥夾浦飛行客誰多病當念早旋歸

愛妾換馬

功名幸多種何事苦生離誰言似白玉定是媿
青驪必取匣中釧迴作飾金羈真成恨不已願
得路傍兒

樹中草

幸有青袍色聊因翠幄凋雖間珊瑚蒂非是合
歡條

採桑

春色映空來先發院邊梅細萍重疊長新花歷
亂開連珂往河上接憶至叢臺窈窕可憐妾當

窗望飛蝶忌跌行衫領熨斗成褫褊寄語採桑
伴訝今春日短枝高攀不吸葉細籠難滿

蜀國絃

銅梁指斜谷劔道望中區通星上分野作固下
爲都雅歌因良守妙舞自巴渝陽城嬉樂盛劍
騎爵相趨五婦行難至百兩好遊娛牲祈望帝
祀酒醑蜀侯誅江妃納重聘卓女愛將雛脫衫
湔錦浪回扇避陽烏聞君握節返賤妾下城隅

雉朝飛操

晨光照麥畿平野度春暈離鴈時聲角如籠或
斜飛少年從速役有恨意多違不如隨蕩子羅
袂拂塵衣

雙燕離

覆燕有雄雌照日兩差池銜花落北戶逐蝶上
南枝桂棟本曾宿虹梁早自窺願得長如此無
令雙燕離

洛陽道

洛陽佳麗所大道滿春光遊童時挾彈蚕妾始
提筐金鞍照龍馬羅袂拂春桑玉車爭曉入潘
果溢高箱

有所思

昔未離長信金翠奉乘輿何言人事異夙昔故
恩踈寂寞錦筵靜玲瓏玉殿虛掩閨泣團扇羅
幌詠薜蘿

臨高臺

高臺半行雲望望高不極草樹無參差山河同
一色彷彿洛陽道道遠難別識玉階故情人情
來共相憶

蜀道難

建平督郵道魚復永安宮若秦巴渝曲時當君
思中巫山七百里巴水三面曲笛聲下復高猿
啼斷還續

棗下何纂纂

垂花臨碧澗結翠依丹巘非直入遊宮無期植
靈苑落日芳春暮遊人歌吹晚弱刺引羅衣朱
實凌還憶且歡洛浦詞無羨安期遠

獨處愁

獨處恒多怨開幕試臨風彈碁鏡奩上傳粉高
樓中自君征馬去音信不曾通只恐金屏掩明
年已復空

紫騮馬

賤妾朝下機正值良人歸青絲懸玉蹬朱汗涖
香衣驟急珂彌響蹄多塵亂飛雕鞍幸可薦故
心君莫違

新城安樂宮

遙看雲霧中刻桷映丹紅珠簾通曉日金華拂
夜風欲知歌管處來過安樂宮

楚妃歎

閨閒漏永永漏長宵寂寂草螢飛夜戶絲蟲遠
秋壁薄笑未爲欣微嘆還成感金簪髻下垂玉
筋永前滴

度關山

關山遠可度遠度復難思直指遮歸道都護總
前期力農爭地利轉戰逐天時材官蹶張皆命
中弘農越騎盡塞旗塞旗遠不息驅虜何窮極
狼居一封難再覩閼氏永去無容色銳氣且橫
行朱旗亂日精先屠光祿塞却破夫人城凱還
歸舊里非是銜功名

怨詩

秋風與白團本自不相安新人及故愛意氣豈